

մանեցաւ յօրէ յայնմանէ , մաքրել և աւել ածել զճանապարհն զայն 'ի դրանէ անտի մինչ 'ի դուռն Այրին , եւ վասն այսր բազում անգամ եղեւ վէճ և կռիւ արիւնահեղ 'ի մէջ Լատինաց եւ Հայոց : Յետ կատարելոյ զայս ամենայն , գրեալ ծանուցին առ Փոխարքայն Եգիպտոսի ըզդործադրութիւն Արքունի հրամանին : Արդ՝ բացաւ դուռն Լատինաց ըստ առաջնոյն եւ դարձեալ եղեւ ոսնակոյս եկեղեցին Հայոց ('ի 20 Հոկտեմբերի , 1836) : Ոչինչ եղեն և ապարդիւն մեծագումար ծախք և բազմադիմի աշխատութիւնք և տառապանք Հայոց :

Զայսմ հրամանագրէ՝ զոր էառ Դեսպանն Գաղղիոյ , չունէին տեղեկութիւն ոչ Ամիրայք և ոչ Փոխանորդն Երուսաղէմի , այլ զկնի բացման դրան՝ յերուսաղէմէ լուան , և պատուէր ետուն միաբանաց չընդդիմանալ հրամանաց Արքայի որքան բանն պահանջէ :

Իսկ Դաւիթ վարդապետ հասեալ յԱղէքսանդրիա՝ մատոյց զգրեանս Պօղոս Պէյի , և նորա ընթերցեալ ծանեաւ զմիտս նոցին . ընկալաւ զԴաւիթ 'ի տուն իւր , և խոստացաւ աշխատիլ որքան կարելի է , և ապա ազգ արար Փոխարքային 'ի Գահիրէ եւ ընկալաւ անտի զպատասխանն , և պատրաստեաց զգրեանս առ նա . գրեաց և առ մտերիմ նորին և ներքին Խորհրդակից Սամի Պէյ , և առ Յարութիւն Պէյ Թարգման և Ստեփան Էֆէնտի , լինիլ ձեռնտու վարդապետին : Չեւ եւս մեկնեալ Դաւիթ յԱղէքսանդրեայ , եհաս առ նա դիր յերուսաղէմէ , յորում պատուիրէին ըզգրեանս վասն Համբարձման առաքել 'ի Կոստանդինուպօլիս , եւ յընթեռնուրն զայն առաջի Պէյին , վշտացաւ յոյժ ընդ գործս Դատաւորին եւ Յունաց , մանաւանդ թէ Լատինաց , որ զեկեղեցին Հայոց վերստին արարին ճանապարհ , այլ յուսադրէր զնա , զի թերեւս բարի լիցի վախճանն : Պաշտպանն Յունաց անդ յեգիպտոս էր Թօսիցա անուն ոմն մեծատուն , և Լատինաց՝ Հիւսպատոսն Գաղղիոյ . սոքա հակառակութեամբ զինեալ զբազում չարիս խօսէին զՀայոց :

Մինչդեռ Հայք դեգերէին 'ի դրունս Այլազգեաց յերուսաղէմ , յեգիպտոս եւ 'ի Կոստանդինուպօլիս և ջանային հաստատուն պահել զչինուածս Համբարձման տեղոյն ,